

東華續錄

嘉慶十

臣王先謙敬編

臣周潤蕃恭校

秋七月丙戌諭正黃旗都統等奏據魁倫家屬呈繳房間衣飾等項一摺並開單進呈魁倫前在川省辦理軍務種種玩延貽誤伊在潼河防守不力任賊匪乘間竄渡荼毒無數生靈其獲罪實在於此至其平日居官操守實爲廉潔卽如魁倫前在福州將軍任內參奏閩省虧空一案彼時被劾多人皆係其讐怨之家魁倫若非平日並無劣蹟則結怨不少豈不慮人舉發今魁倫失機債事身獲重罪固由自取業經王大臣等定擬斬決因伊尙能廉潔所以寬其一綫不令其身首異處加恩賜令自盡見在魁倫名下應交官項亦多係閩海關應賠盈餘短少銀兩並非侵貪入己應行

追繳款項可比若魁倫果有執法營私等事早應將伊家產查鈔
何止僅著賠繳且計應賠之項爲數十萬二千餘兩即將該家屬
呈出房產悉數賠抵尙不及十分之一著金行入官必致合家流
離失所伊妻究曾爲一品命婦亦未便令其無所棲止著加恩將
單內家下人住房一所三十四間賞給伊妻居住其餘照例入官
所有不敷賠項竟行寬免至魁倫之子完顏扎拉芬前經降旨發
遣伊犁效力贖罪魁倫貽誤軍務獲罪甚大伊子自難輕貸但魁
倫止有此子其孫亦尙在襁褓若令其年久遠戍伊妻未免無人
照料著再格外加恩准令伊子於到成效力三年屆滿後即令該
將軍等奏明釋回到京日交該旗挑補馬甲賞給錢糧一分俾資
養贍仍不准挑補別項差使此係朕憐念魁倫平日官聲尙好曲
加矜恤以示法外施仁之意總之服官奉職首尙清廉果能自勵

清操卽身蹈愆尤尙可仰邀末減其子嗣亦得格外蒙恩大小臣工不可不砥礪廉隅共相勸勉也至魁倫去年曾經面奏請八旗官員人等於本名上各繫姓氏所見甚謬朕彼時既經面飭未經准行而伊子仍以完顏冠於本名之上殊屬非是著於本名孔拉芬上除去完顏二字並將此通諭知之○戊子改山東糧船爲冬兌春開○辛卯命京營右翼總兵長齡爲領隊大臣領吉林黑龍江兵赴湖北軍營協勦○貴州巡撫琅玕奏擒勦廣順等寨滋事青苗楊文泰等得旨嘉獎加總督銜○癸巳轉楚克扎布爲理藩院左侍郎以和甯爲理藩院右侍郎

由內閣學士遷

○甲午諭軍機大臣

等前據馬慧裕奏寶豐邨縣地方有匪徒焚掠之事旋據葉縣崇報盤獲首犯劉之協本日馬慧裕馳奏已將寶豐等處匪徒千餘名悉數殲除並提到眼目認明劉之協屬實劉之協爲教匪首逆

句連蔓延荼毒生靈乃該犯仍敢在豫省糾結潛謀起事前欲爲
陝楚教匪接應實堪痛恨仰賴 昊穹垂慈 皇考默佑俾豫省
新起教匪一千餘人立時勦捕淨盡擒獲首逆明正刑誅可見教
匪劫數已盡從此各路大兵定可剋期蕩事朕於欣感之餘轉覺
惻然不忍蓋教匪本屬良民止因劉之協首先贊鼓附從日衆征
兵勦辦已閱數年無論百姓無辜橫遭殺戮被脅多人迫於不得
已卽眞正白蓮教皆我大清國之赤子止因一時愚昧致罹重罪
至各股賊酋先後就誅者如張正謨聶傑人單加耀林之華齊王
氏姚之富王三槐冷添祿羅其清高均德龔建卜三聘王登廷張
漢潮毋添元陳士倬楊開甲龐洪勝等無不身受極刑全家被戮
雖孽由自作亦係聽從劉之協倡教而起白蓮教獲罪於天自取
滅亡其頑梗可惡其愚蠢可憐朕仰體 上天好生之仁於萬不

可貸中實其一綫著經略額勒登保參贊德楞泰及各路帶兵大員並各督撫等將劉之協擒獲一事廣爲宣播並傳諭賊營伊等教首已就誅戮無可附從至於裏脅之人本係良善百姓何苦爲賊所累自破身家如能翻然悔悟不但免誅並當妥爲安置卽實係同教畏罪乞命棄械歸誠亦必貸其一死若經此番曉諭之後仍復怙惡不悛則是伊等甘就駢誅大兵所到殲戮無遺亦氣數使然不能復加矜貸額勒登保等鼓勵將士務於今秋迅掃賊氛奠安黎庶同膺懋賞將此傳諭額勒登保德楞泰明亮陝西甘肅四川湖北各督撫知之○諭各省督撫每年奏報收成分數後續有旱澇蟲傷致減分數者均據實入告○乙未中元節 上以

高宗純皇帝升祔 臣等特詣 奉先殿致祭○內中禮部尚書德明卒贈太子少保子祭葬諡恪勤○丁酉以達椿爲禮部尚書書敬

爲左都御史調文甯爲吏部右侍郎以英和爲禮部右侍郎

由內閣學

士遷○戊戌定各省駐防生員仍歸佐領約束文藝由府學教授課

閱○甲辰德楞泰等奏督勦樊人傑等四股賊匪殺賊四千餘人

得旨獎賚實授勒保四川總督賞二品頂帶○以普恭廣音俱爲

內閣學士

普恭由詹事廣音由光祿寺贈進

○內午諭襄行簡已補授太僕寺少

卿著仍在軍機章京上行走嗣後軍機章京有升任通政司副使

大理寺少卿者卽著軍機大臣奏明不必在軍機章京上行走○

丁未賜暹羅國王鄭華敕諭曰據兩廣總督吉慶廣東巡撫瑚圖

禮遞到國王進香祭文一道表文一道鑒王忱悃增朕悲懷惟外

藩使臣向無謁陵之例上年安南國王阮光纘遣使赴京進香

曾經敕諭以高宗純皇帝業經奉移山陵計使臣到京已在

永遠奉安之後令該國使臣不必來京將所備儀物齎回用示體

恤今暹羅國王遣使赴京事同一例朕怙冒萬國於海徼藩封並無歧視所有該國王呈進儀物方物仍飭疆吏發交使臣齎回以免跋涉該國王具悉朕意益矢虔恭永承優眷欽哉特諭○己酉諭軍機大臣等陳傑一股賊匪雖爲數無多但越過棧道若竄入南山不特掇捕費力恐致牽綴官兵今額勒登保將陳傑生擒婦除餘黨所辦甚好見在陝甘東北一帶賊匪已盡止餘伍金柱張世瀛冉學勝等股向西和成縣西南一帶奔逃額勒登保自東而西長麟等自西而東兩面夾擊務將陝甘兩省賊匪一律肅清朕惟計日以待捷音之至○予明亮三品頂帶○擢山西藩庫銀五十萬兩備陝西軍需

八月壬子諭永保從前在鍾祥北面防堵賊匪所帶官兵共有九千餘名乃不能實力攔截致令賊匪於嘉慶元年向北奔竄焚燒東華續錄

嘉慶十

四

淳河鎮繞至黃龍壩偷渡滾河是以 皇考將永保革職鞫問解
交刑部監禁 諭令俟大功告成再行降旨因軍務尚未辦竣未
卽 施恩上年朕親政之初卽仰體 聖意將永保釋放賞給藍
翎侍衛令齎經略印信前赴軍營旋即擢授頭等侍衛令其署理
陝西巡撫是永保從前應得之罪業經原有伊署理陝撫任內帶
兵在華林山勦辦賊匪適因賊多兵少致有敗衄如果永保據實
具奏則勝負兵家之常原不遽加之罪乃永保不敢以實陳奏仍
復隱飾其詞其罪實在於此嗣後與明亮分投堵勦賊匪永保遂
形氣餒在大山谷株守不進其逗遛之罪亦無可辭復降旨革職
鞫問經大學士九卿等會同審訊定擬斬候但覈其情節尚係軍
營通弊卽勒保明亮上年逮問時其遷延玩誤之處皆所不免朕
於勒保明亮業經先後施恩亦不肯於永保一人獨加重罰況永

保之父溫福前在木果木陣亡殉職歿於王事勅保見任辦理軍務亦屬出力而永保之罪尚非必不可原本欲將伊赦出發往軍營贖罪惟永保屢經效力戎行俱曾獲罪是其於軍旅之事實非所能且於帶兵不利見在各路軍營運次克捷大功指日告成軍營將領亦不少伊一人永保者加恩釋放賞賜八品領催自備資斧前赴烏里雅蘇台跟隨緣佐辦事以觀後效至景安從前在河南巡撫任內恇怯無能並不帶兵堵剿惟擇無賊地方駐守若

皇考知其畏蕙情節必卽加之重罪伊至南陽堵截時又不能實力防禦至賊匪於二年復由羅山南召等處竄至廬氏從武關闖入陝境擾及川省種種縱賊之罪若蒙皇考鑒悉早將伊立止典刑惟因車營惡習率多謊詞人告又無人將伊參劾是以倖免本年朕將數年來貽誤之封疆大吏各加懲治將景安一併革職

鞏開經大學士九卿定擬斬決施恩收爲斬候但景安應得罪名
事屬已往且賊匪到處奔竄地方不能堵禦何獨景安爲然亦不
值因內地亂民鋌走梟誅卽將所到省分之督撫等槩真於法況
景安之罪究係追論尙可寬其一綫著加恩改爲絞決仍牢固監
禁此朕於軍營獲罪大臣格外施恩苟情節稍有可寬必不肯遽
行誅戮若罪在不赦亦不能廢法曲貸也將此通諭知之○丙辰
諭軍機大臣等台布奏王文雄殺賊陣亡所有原帶兵丁已派令
海洪阿前往招收擬俟粵兵到彼一併交與綸布春九十馬玉魁
帶領勦辦西鄉賊匪亦止可如此辦理高戴等逆前既戕害扎勒
杭阿今王文雄又被賊圍困力戰陣亡實爲可恨卽被勦窮蹙懇
請投降亦斷不可准所有北股賊匪由該交綸布春併力勦辦務
須速行擒獲盡法處治以伸國威而慰忠魂○督設陝西甯漢城

守營都司○子陣亡固原提督王文雄三等子爵賞銀一千兩治喪○壬戌命各省撫甄別知府直隸州知州○甲子河南教匪首逆劉之協伏法 丁卯諭軍機大臣等額勒登保奏再學勝張世隴二逆接踵至陝高二馬五戴營等股賊匪前此竄入西鄉勢甚猖獗今冉張二逆又復相繼而至該處情形甚關緊要極端惟當與長麟綸布春等併力勦捕斷不可令賊匪竄過漢江以北又入南山老林以致辦理棘手○緩徵甘肅近賊之岷州二十一廳州縣及西固二州同所屬額賦○額勒登保奏殲斃石于溝賊首伍金柱得旨獎賞 戊辰諭吏部議處給事中甘立猷降一級調用一摺前據穆檢王大臣奏頭場摺出懷挾之監生甘紹烈照例辦理朕於召見臣工時詢知係給事中甘立猷之子而甘立猷係原任尚書甘汝來之孫伊子甘紹烈既有摺出懷挾之事卽應具

摺請罪乃遲至二日並未奏陳其意竟欲隱瞞蒙混殊不知朕於鉅細政務無不詳加訊訪此等事件豈容濶過卽臣工中經朕垂詢又誰敢代爲隱瞞甘立猷既不能約束於先又思隱飾於後實屬非是因降旨將該員交部嚴加議處素聞甘汝來係舊日大臣中之有名望者因令國史館取進甘汝來列傳閱看俟部議上時降旨茲據吏部將甘立猷照例議以降一級其不行具奏之處係屬私罪所降一級不准抵銷實屬咎所應得且甘立猷平日居官聲名平常卽著照部議降一級調用至伊子甘紹烈年甫十五八歲係初次觀場未諳例禁究因伊父失於督教所致且係甘汝來曾孫甘汝來從前在知縣任內頗爲風厲歷任居官亦能持正身後卽終之典蒙 皇考恩施後而 紹烈止係年幼無知且已經去官生員貴科罪已足示儆甘紹烈著加恩仍准原名應試

以示朕眷念舊臣準情宥過至意嗣後大臣官員務當課督子弟嚴加約束而爲子弟者亦當顧惜家聲讀書自愛儻有不自檢束輕身試法者不但將該生按例辦理必將伊父兄一併治罪決不寬恕○又于部例來外省各督撫等發本題達及摺奏事件皆先行跪拜授所差員弁捧捧禮固宜然至在京王公內閣部院及八旗各營大臣等摺奏事件較多固非外省可比然亦應親自遞奏乃近因王公大臣日久相沿多不親詣宮門率令護衛太監司員兼帖式遠京驛輪校等代爲遞奏殊非敬謹之道嗣後各王公大臣等於自行陳奏事件務須親身呈遞即各部旗衙門公題事件亦應專備宦官一人親身到宮門遞交奏事官員轉奏如有仍前派交護衛太監司員遠京等代遞者照一人到門者公爭官不准接受並將該宦官交部議處再各王公及部旗大臣等帶領官

員引見後往往卽在丹墀之下傳宣諭旨而引見官員亦在乾清門內擁擠聽候殊非體制此後每逢引見官員日著御前大臣派出乾清門侍衛二三員於官員引見後告知帶領引見之大臣官員等令其退出乾清門再行傳旨卽大臣中有在內廷行走者亦應於宮門外傳宣諭旨後再行進內儻帶領引見之大臣等有仍在丹墀下傳旨者卽著御前大臣指名參奏○乙亥諭向來軍機大臣出差隨帶軍機章京原以堂司統屬故令帶往辦事乃年來出差及簡放外任大員如阿迪斯長麟長齡等並非軍機大臣亦在朕前率意請帶軍機章京殊屬非是大臣等奉派出差各有屬員可以隨往何必將素非所屬之員帶往辦事至簡放外任向無隨帶京員之例況軍機章京見有定額若出差大臣俱請帶往官機處安得有如許人員且難保無軍機章京向出差大臣營謀前

往沿途倚仗軍機處虛張聲勢此時軍機大臣實皆小心謹慎不敢作福作威章京等亦皆奉公守法若屢派出差恐小軍機之故態復萌沿途又受苦累是朕前非欽派各大臣出差竟係派軍機章京出差矣嗣後出差人員除軍機大臣等仍准其隨帶軍機章京外其餘如有率行奏請者卽將該大臣治罪另行簡派○定謀財害命有關服制者斬梟例○額勒登保奏殲斃麻池溝賊首宋廟子等得有獎券○內子敗江蘇蕭山通判爲同知鄧北同知爲通判○戊寅諭朕恭閱乾隆六年實錄內載左都御史劉純勳條奏二疏一以大學士張廷玉惡事三朝晚節當慎外開輿輪

動云桐城張姚兩姓占卻半部指紳此卽盈滿之候當傾覆之機所伏請令張廷玉會同吏部將張姓口姓部冊有名者詳悉查明若係親房近支累世密戚開列奏聞三年之內停其升轉一以尙東華續錄

書公訥親承辦事務太多任事過統請量行省減各等因詞義極爲嚴正其時我 皇考整飭紀綱勵精圖治大臣中尙無執法營私者卽張廷玉訥親二人亦無款蹟可指而劉統勳獨能抗疏指陳豫防盈滿其意自以見及張廷玉訥親聲望赫奕形迹之間晚節難保故爲此防微杜漸之奏迨數年後張廷玉因事獲譴訥親身罹重罪各如老成先見是劉統勳立朝風節實能侃侃不阿是以仰蒙 皇考眷注優隆爲用大學士身故後飾終備禮易名之典 賜諡文正而其子劉墉亦擢任綸扉受 恩兩世可見臣工建白惟當於用人行政諸大端剴切陳陳以收兼聽並詢之效不在毛舉細故敷衍塞責也卽如和坤從前學習貪婪各款若諸大臣及有言責者能早爲參奏 皇考必立將和坤治罪和坤亦不敢恣意妄行是轉可保全末路何至釀成巨案耶嗣後臣工等居

心立言皆當以劉統勳爲法其大臣中有所管事務雖多並無私弊者固不必有意苛求儻所管事務雖少而有專擅營私不公不法等事即當據實指參以期肅清朝列裨益政事君臣一德庶幾可望郅治矣○己卯諭禮部奏四川西陽州屬秀山縣於乾隆五十三年設學未定拔貢之額今據四川學政陳希曾咨稱已與雅州西陽兩舊學一體各拔一名係援照乾隆四十一年前任學政吳省欽咨部選拔彰明縣學額之案辦理錯誤照例不准一摺學校事關名器即增一童生進額亦必遵例奏請覈選拔貢生尤宜慎重從前吳省欽遵行咨部而部臣輒行咨准之處均屬錯誤姑念事隔多年吳省欽業已革職禮部堂官亦俱已更換物故均著免其議辦至學政陳希曾咨部選拔亦有不合但係相沿舊案除所增拔貢二名照部議不准外陳希曾亦着加恩免其議處嗣後